



“WASPADA PENGGUNAAN MEDIA SOSIAL”

الْحَمْدُ لِلَّهِ الْقَائِلِ: وَلَا تَقْفُ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا



أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ
اللَّهُ تَعَالَى: يَتَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ
وَلَا تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat Yang Dirahmati Allah.



Marilah kita sama-sama tingkatkan ketaqwaan kepada Allah dengan melakukan segala suruhanNya dan meninggalkan segala larangannya. Mudah-mudahan kita tergolong dalam golongan hamba-hambanya yang mendapat rahmat dan kasih sayang serta perlindungan Allah SWT.

Pada kesempatan Jumaat sayyidul ayyam ini marilah sama-sama kita menghayati khutbah yang bertajuk **“WASPADA PENGGUNAAN MEDIA SOSIAL”**.

Sidang Jumaat yang dirahmati Allah,

Dunia globalisasi hari ini menyaksikan perkembangan media sosial baru yang sangat pesat membangun. Semua lapisan masyarakat tidak kira kecil atau besar, tua atau muda, lelaki atau wanita seorangpun tidak mahu ketinggalan dalam menggunakan aplikasi media sosial baru seperti facebook, twitter, blog, sms dan sebagainya. Sehingga Januari 2012, sebanyak 62% dari 29 juta penduduk Malaysia adalah pengguna Internet. Daripada peratusan tersebut, sebanyak 87.9% pengguna internet di Malaysia adalah pemilik Facebook. Manakala 67% pengguna Malaysia pula adalah penonton Youtube. Statistik terbaru pula menunjukkan bahawa sebanyak 7.9 akaun baru facebook berjaya dibuka dalam setiap saat. Facebook mendahului senarai pertama sebagai laman web rangkaian sosial paling popular di Malaysia.

Sidang Jumaat yg dirahmati Allah,

Sesungguhnya agama Islam sama sekali tidak menghalang kemajuan atau pemodenan, namun tidak keterlaluan jika dikatakan bahawa nikmat media sosial hari ini telah bertukar wajah membentuk satu fenomena yang sangat membimbangkan. Banyak unsur-unsur kemungkaran telah timbul, membesar, membiak dan mewabak dalam masyarakat kita melalui media sosial ini. Bukan



sahaja melibatkan pendedahan aurat di sana sini, membuka keaiban orang lain juga sudah tidak menjadi asing lagi. Melemparkan tuduhan, saling salah menyalah antara satu sama lain, menyebarkan cerita dan berita tidak pasti, menjadi punca pergaduhan suami isteri dan komuniti, seterusnya penggunaan bahasa caci mencaci seolah-olah sudah menjadi sebahagian budaya media sosial.

Umat islam hari ini pula menghabiskan masa yang sangat banyak melayari media sosial jika dibandingkan melayari ayat-ayat Allah yang suci. Persoalannya, berapa keratkah daripada kita yang melayari bahan-bahan berunsurkan kerohanian, keagamaan dan akhlak yang baik? Berapa banyakkah pula bahan atau 'entry' berunsur dakwah, nasihat atau akhlak murni yang dihidangkan kepada kita melalui media sosial? Setiap kali kita melakukan 'klik' atau melayari laman media sosial kita, adakah pelayaran atau 'klik' pada laman itu membawa kepada kebaikan atau kemungkaran? Adakah semua itu membentuk saham akhirat yang benar-benar bermanfaat atau menambah bebanan dosa yang sedia berat dan sarat?

Sidang Jumaat yang dirahmati Allah sekalian,

Sesungguhnya Allah telah memuliakan kita dengan akal fikiran, mengurniakan kita nikmat yang tidak terhitung, namun pengaruh dunia maya dan alam siber ini kadang-kadang berjaya menjadikan kita seorang makhluk yang kotor lidahnya dan buruk penanya, insan yang dusta dan fasiq, insan yang terburu-buru, jiwa yang gopoh, tergesa-gesa dan lemah serta pemikiran yang celaru.

Firman Allah S.W.T dalam surah Luqman ayat 6:



وَمِنَ النَّاسِ مَنْ يَشْتَرِي لَهْوَ الْحَدِيثِ لِيُضِلَّ عَنْ
سَبِيلِ اللَّهِ بِغَيْرِ عِلْمٍ وَيَتَّخِذَهَا هُزُوًا أُولَٰئِكَ لَهُمْ عَذَابٌ
مُّهِينٌ

Dan ada di antara manusia: orang yang memilih serta membelanjakan hartanya kepada cerita-cerita dan perkara-perkara hiburan yang melalaikan; yang berakibat menyesatkan (dirinya dan orang ramai) dari agama Allah dengan tidak berdasarkan sebarang pengetahuan; dan ada pula orang yang menjadikan agama Allah itu sebagai ejek-ejekan; merekalah orang-orang yang akan beroleh azab yang menghinakan.

Perlu diingat bahawa nikmat akal telah meninggikan taraf manusia dari makhluk yang lain. Dengan akal inilah manusia berjaya mencipta berbagai ciptaan samada untuk kegunaan di darat, udara dan lautan. Lihat sahajalah kemampuan akal manusia yang telah menjadikan dunia hari ini seperti sebuah kampung yang kecil tanpa jarak dan sempadan melalui kecanggihan teknologi media sosial seperti facebook, whatsapp, dan sebagainya adalah ilham daripada akal yang dikurniakan oleh Allah kepada manusia. Akal inilah juga yang akan memandu teknologi samada untuk menuju kebaikan atau keburukan. Al Imam al Ghazali RA pernah berkata yang bermaksud:

"Sesuatu pekerjaan itu adalah merupakan kebaikan jika memenuhi tuntutan akal dan agama, dan sesuatu perkara itu dikira keburukan jika menyalahi tuntutan akal dan agama".



Semua ini membuktikan bahawa dalam menangani fenomena media sosial ini, agama dan aqal perlu berrjalan seiring. Apa sahaja berita dan cerita yang muncul di media sosial akan jadi harmoni jika dicerna oleh aqal yang berlandaskan agama. Kebijaksanaan mengolah berita dan cerita ini juga sangat memerlukan sifat malu dan taqwa. Malu untuk berkongsi mata dan telinga membaca maklumat yang mengaibkan orang lain. Takut dan malu kepada Allah jika tangan dan jari seseorang yang menyebarkan, berkongsi maklumat yang belum dipastikan kebenarannya. Bimbang anggota dan pancaindera kita menjadi bahan saksi dan bukti kemungkaran di hadapan Allah S.W.T di hari perhitungan kelak. Tidakkah takut amalan kebaikan kita hilang begitu sahaja akibat tersalah "share" atau berkongsi perkara tidak baik di sana sini. Unsur-unsur agama, akal, malu dan takwa ini jika kita gabungkan ketika menerima sebarang maklumat akan menjadi kunci kebahagiaan di dunia dan di akhirat. Takutlah kita dengan amaran Allah S.W.T.

Firman Allah SWT dalam surah al-Anfal ayat 22:

﴿إِنَّ شَرَّ الدَّوَابِّ عِنْدَ اللَّهِ الصُّمُّ الْبُكْمُ الَّذِينَ لَا

يَعْقِلُونَ﴾

"Sesungguhnya sejahat-jahat makhluk yang melata, pada sisi (hukum dan ketetapan) Allah, ialah orang-orang yang pekak lagi bisu, yang tidak mahu memahami sesuatu pun (dengan akal fikirannya)".

Perhatikanlah wahai sidang Jumaat yang dikasihi Allah sekalian,

Saban hari fenomena ini semakin merisaukan apabila terdapat lebih 370 juta laman web lucah yang bergelandangan saban hari dalam internet. Terdapat



2.5 billion email yang dihantar setiap sehari adalah bahan lucah porno. Paling menyedihkan apabila sebuah akhbar pernah melaporkan bahawa negara kita yang tercinta menduduki tempat kelapan didunia dalam pencarian bahan lucah diinternet. Terdapat pula kajian yang boleh dipercayai yang merumuskan bahawa 60 peratus remaja berzina adalah disebabkan kerana menonton bahan lucah. Realiti yang berlaku di Malaysia hari ini pula melaporkan 90 peratus pelajar sekolah melayari laman web lucah tanpa sengaja kerana laman-laman tersebut berlingkung di sebalik nama yang bersih.

Inilah realiti yang perlu dihadapi dengan teliti supaya iman yang dibina bertahun-tahun lamanya tidak mudah robek hanya dengan sekeping gambar atau sekilas berita. Ketika berhadapan dengan lambakan berita dan cerita yang tumbuh melata di media-media sosial dan seumpamanya, mari kita segarkan diri kita dan anak-anak kita dan rakan sekeliling kita dengan pesanan Allah supaya berhati-hati dengan cerita yang datang kepada kita.

Firman Allah SWT dalam surah al-Hujurat ayat 6:

يَا أَيُّهَا الَّذِينَ ءَامَنُوا إِن جَاءَكُمْ فَاسِقٌ بِنَبَأٍ فَتَبَيَّنُوا أَن
تُصِيبُوا قَوْمًا بِجَهَالَةٍ فَتُصْبِحُوا عَلَىٰ مَا فَعَلْتُمْ نَادِمِينَ



“ Wahai orang-orang yang beriman! jika datang kepada kamu seorang fasik membawa sesuatu berita, maka selidikilah (untuk menentukan) kebenarannya, supaya kamu tidak menimpakan sesuatu kaum dengan perkara yang tidak



diingini dengan sebab kejahilan kamu (mengenainya) sehingga menjadikan kamu menyesali apa yang kamu telah lakukan".

Mari kita bina tembok supaya kita tidak melanggar larangan Allah agar menjauhi syak wasangka. Mari kita jauhkan diri sejauh-jauhnya dari turut sama meratah daging saudara-saudara kita. Mari kita suburkan rasa iman dan taqwa agar kita peroleh keampunan dan kasih sayang Allah yang amat berharga.

Oleh itu marilah kita hayati sebuah hadis daripada Abu Hurairah RA bahawa Rasulullah SAW mengingatkan kita yang bermaksud:

"Sesungguhnya seorang hamba apabila menuturkan satu-satu perkataan yang tidak dipastikan kebenarannya terlebih dahulu, akan membawanya ke neraka yang jarak keluasannya adalah lebih luas dari jarak antara timur dan barat."

(Muttafaqun 'Alaih).

Allah SWT juga mengingatkan kita melalui firman-Nya dalam surah Qaf ayat 18:

مَا يَلْفِظُ مِنْ قَوْلٍ إِلَّا لَدَيْهِ رَقِيبٌ عَتِيدٌ

"Tidak ada sebarang perkataan yang dilafazkannya (atau perbuatan yang dilakukannya) melainkan ada di sisi-Nya malaikat pengawas yang sentiasa sedia (menerima dan menulisnya).

Sidang Jumaat yang dirahmati Allah,

Sebagai penutup khutbah pada hari mulia ini, mari kita pastikan bahawa diri kita, anak-anak dan isteri kita, saudara mara kita, rakan taulan dan



sahabat-sahabat kita adalah pengguna maklumat media sosial yang patuh syariah Allah S.W.T. Umpama barang dagangan yang hendak dibeli di pasar, barang itu dibecek, diteliti, di persoal harganya dan dibanding-bandingkan kualitasnya agar tidak rugi. Justeru:

1. Mari kita jadikan setiap detik masa yang diluangkan pada halaman media sosial sebagai jambatan kebaikan dan saham menuju ke akhirat.
2. Ayuh kita bentuk jari jemari kita menjadi pena yang menulis tentang apa sahaja perkara ma'ruf atau kebaikan supaya timbangan mizan kita menjadi berat hasanaatnya di hadapan Allah SWT.
3. Segeralah kita bentuk iman dan hati kita supaya menjauhi fitnah, caci hina dan permusuhan sesama manusia, serta takut untuk membawa segala keburukan yang tersembunyi di media sosial apabila mengadap Allah S.W.T.

أَعُوذُ بِاللَّهِ مِنَ الشَّيْطَانِ الرَّجِيمِ

يَوْمَئِذٍ يَصْدُرُ النَّاسُ أَشْتَاتًا لِّيُرَوْا أَعْمَالُهُمْ ﴿٦﴾

فَمَنْ يَعْمَلْ مِثْقَالَ ذَرَّةٍ خَيْرًا يَرَهُ ﴿٧﴾ وَمَنْ يَعْمَلْ

مِثْقَالَ ذَرَّةٍ شَرًّا يَرَهُ ﴿٨﴾



"Pada hari itu manusia akan keluar berselerak (dari kubur masing-masing) - untuk diperlihatkan kepada mereka (balasan) amal-amal mereka. Maka sesiapa berbuat kebajikan seberat zarah, nescaya akan dilihatnya (dalam surat amalnya)! Dan sesiapa berbuat kejahatan seberat zarah, nescaya akan dilihatnya (dalam surat amalnya)!".

(az-Zalzalah: 6-8).

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلْ مِنِّي وَمِنْكُمْ تِلَاوَتُهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ
فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama islam. Sebaliknya seluruh umat islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ
صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ
سَمِيعٌ قَرِيبٌ مُجِيبُ الدَّعَوَاتِ يَا قَاضِيَ
الْحَاجَاتِ. اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ
الْأَمِينِ، وَنَسْأَلُكَ بِأَسْمَائِكَ الْحُسْنَى وَصِفَاتِكَ
الْعُظْمَى أَنْ تَحْفَظَ بَعِينَ عِنَايَتِكَ الرَّبَّانِيَّةِ وَبَحْفَظِ
وَقَايَتِكَ الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ



سَلَاغُور، سُلْطَان شَرْفُ الدِّينِ ادریس شاه
الحاج ابن المرحوم سُلْطَان صَلَاحُ الدِّينِ عبد
العزیز شاه الحاج. اَللّٰهُمَّ اَدِمِ الْعَوْنَ وَالْهَدَايَةَ
وَالْتَّوْفِيقَ، وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ
سَلَاغُور، تَعَكَوْ اَمِيرِ شَاهِ ابْنِ السُّلْطَانِ شَرْفُ
الدِّينِ ادریس شاه الحاج فِيْ اَمْنٍ وَصَلَاحٍ وَعَافِيَةٍ
بِمَنْكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلُ
عُمَرَهُمَا مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ،
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki



kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman syiah yang melampau dan Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orang-orang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي



الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يُعْظِمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.